

Universitätsbibliothek Paderborn

**Horologivm Sacerdotale Sacerdotibus tam Ecclesiasticis,
quàm Religiosis, præsertim Neomystis Ordinem diei, &
praxes indicans Opera quotidiana exactè, sanctéque
obeundi**

Dirckinck, Johann

Coloniæ, 1690

Oratio VI. ad Spiritum Sanctum.

[urn:nbn:de:hbz:466:1-50863](#)

activitatis, cœlestis ignis, ut perfedē in
eum transformatus ignis munus exercen-
di proximos à peccatis purificem, lumine
verò doctrinæ eos collustrem, & flammis
charitatis succendam, eorumque deside-
ria in cœlum levem, & cum Deo per uni-
onem veri amoris conjungam. Amen,

Oratio VI. ad Spiritum Sanctum.

O Spiritus vitæ! conservans in Ecclesi-
vitam gratiæ, quâ respirant & con-
cupiscentiæ ardorem mortificant, custodi
in me, obsecro, spiritualem vitam gratiæ,
& vitiorum flamas tempera: insuffla
quoque super imperfectos, id est peccato-
res per universum mundum, eosdemque
ad vitam revoca, ut mecum laudent te in
secula.

O Cœlestis Favonie! purgans & sep-
rans bonum à malo, perfectum ab imper-
fecto, pretiosum à vili, granum à palea:
Veni, aspira, purga, separa, à malo remo-
ve, ad bonum impelle, & velut ventus
amœnus, sanctitate spirituali me reple. **O**
Carbo divine! velut sol novolumine, vel
ut ignis cœlesti calore, velut Magister do-
ctrinâ sacrâ, velut Medicus sanitate per-
fici

sestâ me bea: & quemadmodum Aposto-
los & Discipulos Domini repente in viros
alios commutasti ; ita me in momento ex
timido audacem , ex imbecilli fortem, ex
ignaro sapientem, ex invido charitate fer-
ventem, ex ambitioso humilem, ex imper-
fecto , omni perfectione præstantem effi-
cere dignare; ut hac ratione mutatus, nihil
velim, nihil cupiam extra te, sed te plenus
& internâ præsentia tuâ satiatus te fruar
in vita , metâ & patriâ. Amen.

I. Testimonium Patris eterni.

Res sunt qui testimonium dant in cœ-
lo Pater , Verbum & Spiritus sanctus,
& hi tres unum sunt, ait Discipulus quem
diligebat Jesus. i. Ioan. 5. O Pater æ-
terne! Tu devotè communicanti testi-
monium internum dare assoles præsentia
Filii tui in Sacramento, & excellentia pa-
nis vivi, dum omnipotentiâ tuâ facultates
animæ corroboras in Divino obsequio,
tenovâsque hîc testimonium olim in Ba-
ptismo & Transfiguratione à te datum:
*Hic est Filius meus dilectus in quo mihi
benè complacui , ipsum audite. Da testi-
monium animæ meæ de præsentia Filii tui
dilecti*